

Escrito por VM

Luns, 04 Agosto 2008 18:27

---

O PSdeG censurou onte a imposición de medallas levada a cabo polo alcalde de Baiona, o popular Jesús Vázquez Almuiña, a alcaldes do franquismo posto que, recordou, este tipo de actos "incumple" a Lei da Memoria Histórica. En consecuencia, lamentou que o PPdeG sexa "incapaz de buscar o centro e continúe circulando polo carril da dereita máis extrema"; segundo manifestou a secretaria de Dereitos Cidadáns e Liberdades Públicas da Executiva do PSdeG, Beatriz Sestayo. "O centro non se alcanza con objeciones de conciencia cara a leis que fomentan a cidadanía máis libre e, moitos menos, coa vulneración frontal das aprobadas democráticamente por todos"; resumiu, e reprochou ao PPdeG que fale de "convivencia e non crispación"; pero pon en práctica "todo o contrario";.

Na mesma liña, considerou que actos como o do sábado en Baiona proban que "o disfraz só serve para o Carnaval";. "Ao PP vézelle a súa verdadeira identidade oculta trala máscara deste novo discurso centrista";, continuou, e engadiu que, tralo congreso de Valencia do PP, esta formación segue integrado por "as mesmas persoas que antes";. "Púxoselles outro traxe pero a nova vestimenta estáselles gastando e prefiren o traxe anterior, o do enfado e a crispación";, ilustrou.

Sestayo pediu aos populares "respecto" polas leis e a Constitución, así como polo Estado de dereito e a convivencia pacífica. Respecto diso, asegurou que o PSOE seguirá "fiel á súa historia"; e ao compromiso de "velar polo recoñecemento de novos dereitos e polo cumprimento inexcusable dos existentes";.